

精里初集抄

三



			二六六六	和書門
一〇	一〇	一〇	一〇	
冊	架	函	號	類

庫文閣内			
二〇六	二六六六		和書
函	冊	號	類
一〇	一〇		
架	冊		

内閣文庫			
番號	和	26676	
冊數	10 ( 3 )		
函號	206	186	





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





精里初集抄卷三


五言古

送鶴田君遊江戸

舟楫絕江海。惟惡風濤狂。風濤雖可惡。有柁亦有檣。  
人生就仕途。竝馳聲利場。利害相攻奪。物欲更翕張。  
哀哉繞指柔。伊昔百鍊剛。中立頽波裡。乃見君子強。  
學道不努力。何殊感穀羊。

陪芙蓉館讌

感發一之日。寵招讀書帷。尚論繡縹帙。下文重布衣。  
蒼松爭厲風。碧沼帶寒威。棲禽入夜靜。鳴鴈干霄飛。



名園霰將集。厚坤陽正微。凍雲影覆墻。驟雨聲灑扉。斯生負傲骨。宗英情所依。秉燭遊最宜。夜永鐘漏稀。

首春陪招賢館讌

豪貴溺人性。華曹易偷安。偉哉先主君。經藝造其端。夫子能濟美。學殖不荒殘。譬如星鳳瑞。時清或一觀。如其重疊出。千古之所難。獻春開綺席。傳杯禮數寬。飛潛狎幽處。紅紫媚假山。風日漸韶和。水上減餘寒。何幸狂簡士。芳園繼舊歡。

擬古

後火非前火。今流異昨流。鑽燧厨不寒。有源川不休。

人生無根蒂。烏蟾豈少留。所以古之人。兢業勉姁脩。

其二

村居庭數畝。苔草滿其間。耨之移卉石。謀怡朝夕顏。喬木不可拔。堪巖運亦艱。矮松僅盈把。硜硜卷石頑。易位如奕棋。矯枉幾牽攀。洒掃徒自苦。生意竟凋殘。去去勿復為。出門望遙山。

寄懷村川子成

黃鶴凌千里。清唳響雲達。男子一許國。苦辛非所辭。吏道何鞅掌。東武淹宦羈。名價諸侯良。倚賴一邦基。懷昔還鄉日。惠然蒞書帷。尚友邇前古。杯酒且迭持。

官事真無鹽。整駕僕夫催。我題相思字。未敢問瓜期。

送二子分韻

海潮隔二肥。僅如杯水盈。風帆比達岸。初熟羊脾羹。  
若從旱路走。稅駕在厥明。熊府多文物。儒宗負重名。  
龍門登者誰。魯國有兩生。雙雙擔簦笈。僕僕往來輕。  
所貴居隣壤。歲歲省家庭。能遂鴻鵠志。不違烏鳥情。  
毫素摘新藻。罕樽尋舊盟。聞見多儲畜。困倉為我傾。  
目論知所蔽。耳學得研精。後生真可畏。努力復茲行。

秋胡行

華燭入洞房。繾綣海山盟。如何一朝別。相值昧平生。

鬢髮如飛蓬。國風取其貞。獨怪采采女。紅粉照路傍。  
致使高軒客。黃金買目成。衣錦歸鄉里。鄉里為之傾。  
曾無阜與隸。奔走報父兄。士耽猶可說。內助庶相聽。  
怨妬非婦德。赴水一倉皇。古人長比興。豈止草木名。  
欲警世澆薄。恩義秋毫輕。喜朝而惡暮。避就在炎涼。  
智可欺王侯。妻妾泣中庭。

清陰亭分韻

靈雨滋園卉。繽紛紅素殘。疊石為幽囀。引渠象激湍。  
羽觴流不滯。莓苔坐且安。遐想存丘壑。寸心隘宇寰。  
何必奏絲竹。好鳥自繇蠻。

川窪學舍分韻

行藥遵郊路。童冠伴筇枝。減衣春寒薄。裊露朝雨微。  
菜花間麥浪。沃田何邈逶。樵漁爭赴市。蓄畚各扶犁。  
遙望山如屏。漸近始呈奇。峯巒遞拱揖。岡阜自參差。  
杳杳絃歌聲。山郭在烟霏。人稱製錦美。誰謂割雞非。  
周旋蒙養正。款待客忘疲。留宿聽簷滴。未掩落花扉。  
送蕘田子孝歸天草

處方欲濟世。庸盤適賊人。讀書欲行道。俗儒或數倫。  
懲羹至吹鑿。儒盤使人嘔。吾友家刀圭。大業志紛綸。  
歸去幽遐境。觀聽萃一身。誠心存愛物。寬綽甘苦辛。

斯道好卑近。定省奉昏晨。進脩力是視。文行自日新。  
行道而濟世。前途浩無垠。莫笑老生談。臨別復諄諄。

寄懷副士良移病林居

金立三千仞。昔人嘗避秦。仙靈所窟宅。幽栖此卜隣。  
之子難相見。譬如參與辰。駕言出郊野。空望碧嶙峋。  
一從忝交契。忘年情最親。我盪雪中漿。君為月下賓。  
着鞭爭後先。前席談經綸。落落與世違。高卧對松筠。  
惟恨半壁水。不容吞舟鱗。酒邊無車胤。谷口有鄭真。  
高齋會勝侶。烟景暮之春。花雨隰脂膩。林鳥鼓歌唇。  
嚶嚶猶求友。能不懷故人。麀鹿非我群。勿避城市塵。

長村二生歸自熊本觴之南隅  
去歲送行客。江路草離離。今春乃來思。餘寒雨雪微。  
治經將暮景。寂覺年光馳。曾無寸步進。已令雙鬢衰。  
呂蒙真刮目。匡衡亦解頤。落梅間礪礪。竹日晚參差。  
杳然歸雁影。堂上拂朱絲。

大興寺集得興字

晚晚惜韶景。遐矚伴舊朋。緇素雖異道。幽情非炭冰。  
出郭聞蒲牢。寺隔煙樹層。落花不相待。亞枝嫩葉青。  
菰蒲漸已長。曲池澹以澄。流憇依美陰。裊娜垂紫藤。  
吟心游象外。搖曳野雲興。

龜島做河子南濱體

渺渺播磨洋。嶄嶄明石岸。布帆張復收。逆潮勢急悍。  
巽二不仗助。汎汎日恐盱。僵卧厭枕衾。有如幽囚歎。  
下矧海中央。咫尺龜島面。甘言囑艖公。撐擢到巖畔。  
瀨淺石嚙舟。逝洄揮珠汗。始茲舒眉目。更覺生羽翰。  
天地一盆池。拳石在几案。雄州螺黛連。千舩粟粒散。  
麗日是玻瓈。煥霞張繡幔。雲根爭巖崿。何年拆震電。  
跳躑集虎豹。鉞戟含水霰。猙獰忽攫拏。抵觸相鬪戰。  
陡然石楷層。凜成鐵葉片。方稜積玉函。密理藏黃卷。  
妄疑介鑿痕。化工迹破綻。堅牢不若斯。詎足遏狂瀾。

髮縮踰鬢鬣呀然一小澗。箸立松與杉。榴枿相參半。  
捫蘿采柔薇。攀岫求赤箭。陟陘絡羸城。嵩奕堪愛玩。  
鷹子盧扁傳博雅。大邦選為予。公品彙。諄諄不知倦。  
小住此班荆。錦貝沙間亂。珍貨有隆替。古貴今何賤。  
拾此盈袖中。已報潮候善。放舟猶眇眇。山意似戀戀。  
天借我良緣。水行殊緩緩。日日得停撓。魯灣應蹈遍。  
無奈歸思切。詩成一咲粲。賞詫縱過實。非向世人銜。  
突兀吐新奇。羈愁以割斷。

遊東台

獻歲氣巖凝。青皇令未申。承乏絃歌地。負焉屬鼎新。

綿蕪肆盛禮。菁莪登俊人。旁午醉朱墨。何殊簿領身。  
竣事寬韁鎖。乃謀息勞筋。羲暉如轉燭。已驚將盡春。  
海國猶風雪。花遲柳久頻。為我留幽賞。物候且逡巡。  
理策携童冠。勝地訪芳辰。黃鳥出陰壑。丹葩媚前□。  
松籟和清磬。門外少鞅輪。飄飄吟客袂。寧恐染緇塵。  
古愚軒暮春集并送諸賢西歸得以字  
爽塏豁軒窗。同人賞春晷。雨歇眺坤倪。富嶽違顏咫。  
良朋會三益。韶和具四美。樽俎列初筵。芳園醉桃李。  
歡樂知難久。官遊乃萍水。嗟我學越吟。西陲邈鄉里。  
受性異所宜。踰淮橘化枳。行色若歸鴻。應候聯翩起。

且歌露未晞。永歎良有以。

攀和水明樓高作。次韻非古也。盛藻規撫漢魏。而強步其礎。猶之以蟋鳴間金奏。但病餘呻吟。聊以遣懷。覽畢捏塊為妙。

城北多臺榭。此樓最著名。選勝占三泖。擅奇對四明。一望聚諸景。觀隨節物更。長夏息塵鞅。遐思入杳冥。汀帶蒲香淨。池受梅潦盈。將寄披襟賞。矧逢折簡迎。涼疑商律至。快似漏天明。微茫霞綺薄。潏灑浪花生。須臾山月升。素輝皓簾楹。山水增神采。譬如畫點睛。磬聲出中林。品物共虛形。已適冲澹懷。寧有寵辱驚。

湘簟雕胡飯。鯨飲設腥鯖。琴棋各自娛。分曹醉與醒。展也神醫術。起樓啟聾瞶。少陵千載後。獨得詩中情。

題四明園

憶昔登天台。霞際度石橋。鳳城瞻氣象。琶湖霽色搖。雙眸攢萬景。精爽亦飄颻。瑰奇難可狀。未暇作歌謠。生紙不盈尺。山容歷歷描。登覽如昨夢。君今發廢蕉。追題舊游處。小原和野樵。

送岡野行從之任松岡

大藩表東海。樂育多賢才。岡生最溫藉。翰苑寄襟期。妙選充摯御。朱邱礫川隈。投分論今古。惠然時一來。



俄遷百里宰。利穎脫囊錐。應見循良吏。出自讀書帷。  
勞徠田疇闢。風聲俗習移。古關路邈迤。舊鎮安在哉。  
赤水重淵閔。金沙灌木齊。公解擁幽勝。鳴琴娛歌時。

次栗翁六十五韻

有序

四月吉。熊侯命庖人治食。儒臣齋而就宴於栗山  
堂。先期戒志。尹及余往會。至日皆不果赴。既而主  
人有詩見示。叙述樂事如畫。使人羨歎無已。因步  
礎奉呈。

二肥如魯衛。域民各撫摩。仁問宣宮高。胞與共瘡痍。  
一水含兩界。峯連數點螺。無由境外交。瞻拜具袍鞵。

奉檄入函關。遠絕如之何。朝覲從枚馬。誦說必丘軻。  
勝情時弭節。流憇取酒馱。稅駕朱邱第。高興在雲蘿。  
進律譙以光。暇豫澹迤迤。禮賢顧中厨。就宴讀書窩。  
適授子之祭。駿臺倚翠坡。珍羞何綺綴。徵逐僚案和。  
雁肪鯽魚膾。樽壘歛灑波。代置存管蒯。佳招亦牽拖。  
曹植思大嚼。當向屠門過。噫嘻人事左。相刃又相劇。  
被疾如油膩。浸漬守舊窠。陰陽小愆忒。二豎跳婆娑。  
壹鬱興復寢。夢不到南柯。耳鳴聞駭浪。時雜哭且歌。  
衆舒我獨慘。偏嗟所遇頗。宿諾恐盟寒。賴君為噓呵。  
諸子西歸近。邈如赴岷嶓。行色不可駐。牽車具脂輻。

佗條天將暮。城鼓過靈晷。文陣戰酣際。應麾魯陽戈。  
誰謂尾生信。辜負成蟻磨。食言亡酒者。盡入主人歌。  
詩思如秋水。澄明涵素娥。或天真呈露。羣兒聚戲壻。  
或如登壇將。分合辨多多。或嬌而慧黠。窄袖調鸚哥。  
其仙風道骨。老矣不蹉跎。琳琅燦盈目。投未向我訛。  
蹶然生起色。邪沴避驅儺。辭氣挾風霜。橫口畏詆訶。  
我佩陸離劍。鋒鏑凜青蛇。傲兀山野性。最嫌縛禮苛。  
一免擎跪厄。飄然出繭蛾。賢侯體人意。饗餼載驢騾。  
綴充蚯蚓操。不哇鴨鴨鵝。殘紅襯草石。園柳尚鬢髻。  
巢燕雛初舞。老鴛音已訛。清和品物望。動植及么麼。

几下瞰滄海。天倪揖雪峩。素願求良覲。兄弟矧匪佗。  
會心不在遠。交臂事輒蹉。俊彥仕侯國。帶礪之山河。  
載筆揚文旆。綴行白玉珂。育才由陶鑄。菁莪彼中阿。  
春華已穠郁。秋實亦婀娜。雄辯倒三峽。渤溘卷盤渦。  
雲錦章爛兮。工擲天孫梭。差池闕面別。萍水聚散俄。  
逢掖一官絆。初衣愧芟荷。分惠膏環美。鏤篋卷紅羅。  
芳香熨齒頰。因呼淪茗鍋。三嚙沁詩脾。勝獲黃金駝。  
口所含瓦礫。嘔出滿竹籬。效顰押競病。亦足破愁魔。  
材料早見占。書畫及醉陀。賓主歡洽態。明燈照綠莎。  
窘步避蹈襲。啁晰市童過。馮罷便欠伸。雞竿脫重枷。

猶想神旺處。初筵至歎佳。

再次韻

嘗吾抱一經。不敢學揣摩。旌招及僻壤。馱惶與病疴。  
其器元斗筭。有文唯蛤螺。薰沐沐猴躁。戴冠又穿鞵。  
叫跳以挽裂。觀聽其謂何。斷削工程嚴。矻矻用鉢軻。  
虛車雖飾矣。不如羸馬馱。幸伏賢僚案。勁松壘女蘿。  
支持免顛沛。接武得逶迤。柰君非匹類。翩翾蛻官窩。  
厚德人望斗。俊才騎注坡。暴寒常存戒。嚴泰自然和。  
山下出泉蒙。養正渥恩波。藻井荷花倒。桂梁虹彩拖。  
講幄緇經侍。林莊託乘過。行騶塵跋跋。鬪戟影絲磨。

隆羽應弦響。呀鱗困網窠。已藐堂數仞。豈貪金兩娑。  
賜觀巡藥圃。授簡題楓柯。袞鉞堪付筆。郊邱宜製歌。  
文衡持至平。無黨亦無頗。險膚世聒聒。水潦蛙鳴呵。  
橫流導而東。成功既藝嵯。馳騁誰並駕。修塗屢呼輜。  
艤艫帆飽怒。電逝軋蛟鼉。彼草泉澤雄。奉約爭投戈。  
媠母捐脂粉。穉穉罷春磨。大聲破折揚。口呿豈敢哦。  
餘潤資江海。末光仰羲娥。男子生鬚鬣。可拋寒食壻。  
門須鑄鐵限。同氣相求多。禽言何意緒。行不得哥哥。  
舊溪別白雲。行樂恐蹉跎。忽發懷鄉歎。由衷非妄訶。  
先世馬鬣封。鄉人俱面讎。莊舄吟雖苦。歸休官所訶。

首尾難自救。安得率然蛇。舜趨禹步出。入則除秦苛。  
萬卷當百城。墨妙當青蛾。緇侶停香鉢。嘯徒繫蹇騾。  
丹訣辨龍虎。文陣結鸛鷺。灑毫風颯颯。揮塵雪髭髭。  
鯀生拜跪野。遠客語言訛。青眸勤接納。不魯略極靡。  
欲窮海嶽觀。更構涼棚岷。噫奇奇恠恠。可以概其他。  
揜執化人袂。神游虞一蹉。自無三蕉量。必置酒如河。  
積蘇臨千井。衆星繞四阿。夕宿空中閣。朝鳴大道珂。  
獨享清福降。穰穰理則那。愁霖蝸縮殼。惡水溝生渦。  
寸陰失尺璧。流歲速飛梭。捫腹負將軍。玉山頽傀俄。  
蝶夢迷幽芳。貓眠醉薄荷。一步高一步。新詩萬象羅。

恨無函牛鼎。齧割烹土鍋。崑岡玉亂抵。收拾載歸駝。  
驅蟬攤書帙。候晴曬藥蘿。冥搜犯榛棘。詩境漸入魔。  
質的攢譏箭。發頰顏作陀。擔溜何時已。砌除長軟莎。  
冥聯納涼榻。險韻禁曉過。風伯決幘幪。雨師闌扭枷。  
爲飛應活潑。人抃自僂傴。

撲戲次粟丈歌韻。而丈作又出矣。語益警拔。方歛  
容歎伏。林祭酒傍觀激賞之餘。督再和以結其局。  
向所供詩料。杼軸一空。今不意追呼必取盈焉。遂  
至剝膚椎髓以應副之。豈不量其力。而急與之角  
云乎。享和壬戌五月廿七日。苦雨窓下。

履堂賢弟過訪拈韻

疾霆將驟雨。滌除秋暑煩。新開蔣詡徑。嘯徒辱過存。  
綠篠含涼露。蛩啼依草根。近市歛浮埃。蒼旻玉李繁。  
吾本江介客。未遊經藝園。暮途摧傲骨。又驚變寒暄。  
幸得狂猥者。忘年叙弟昆。援毫題雪月。論學探淵源。  
有以安鷓息。不必羨溟鯤。

題三星圖

箕疇陳五福。周雅祝九如。儀貌創新意。又有三星圖。  
對此生歎艷。恐為怵迫徒。徼幸多危險。安分乃坦途。  
昊天曰旦明。游行與爾俱。善淫在人擇。倚伏自乘除。

彭祖慎觀井。考父銘鬻餉。媿美高陽里。好德叶禎符。

Blank page with vertical lines for text.

七言古

望嶽

炎蒸七月正煎熬。不謂三峯萬仞高。峯頭白雪消釋  
盡。碧蓮挿漢更雄豪。澗雪逗露數條之素綫。譬諸瀦  
岳鏡中始見二毛。撤去珠簾瞻日角。階前萬歲共呼  
號。青鐵鍛成天一柱。欲障連山駭波濤。勢壓坤軸增  
崇重。聳肩唯愁沈六螯。今古畫家千百數。競描妍冶  
一滔滔。安得丹青妙手吳道子。一日掃絹縑不差分  
毫。無端埋沒真面目。我竊惜之心鬱陶。此行冒暑邁  
竒觀。洗除脂粉照神臯。

紀夢有序

戊午夏五既望夜夢為人賦疊韻詩得先天千年  
前賢傳句是時方約諸子以易學啓蒙會此蓋思  
夢也因以七字為礎而賦之  
西來薰沐列儒先不免抗顏譚性天寧讀遺經懸石  
一漫持故帚享金千葵心纔解傾陽景椿樹無端失  
大年家寄宿雲城堞下夢醒鳴兩盞燈前池塘得句  
成新咏圖象弄丸懷昔賢莫笑都因冰火想南柯勝  
話為君傳

題丹陽真人圖壽人八十

漫將九骨慕喬松爭奈人間世味濃名利闕隔滄洲  
路鐵壁銀山聳幾重欽君蟬蛻塵世外輕健八旬有  
壯容獸不亂羣鷗可玩為無機心動寸胸寄語神仙  
鄭思遠橫江橋畔待相逢

青蓮圖

世間形狀白也風廬山瀑布睨半空依樣葫蘆可厭  
惡茲圖獨見意匠工甕堪倚靠書堪枕天地茫茫大  
夢中誰知醉眼猶如漆塵埃底認郭令公

江口賢契齋頭得屋韻

鏗爾曼瑤琴美人在幽谷紅葩映窓牖林間數椽屋

我苦聾塵耳欲聾。散步唱酬當洗沐。壚煙啼破婆餅  
焦。草色芊眠穩卧犢。半春清賞期郊野。逐日佳招隨  
山麓。家世原存葭莩親。聲名行發蘭茝馥。耕學紡文  
出倫輩。頭角嶄嶄耻雌伏。斷機剡薦風猶在。為黍殺  
鷄情可掬。率意南檐新霽暉。山翁同誇炙背燠。

浦島子

秦始皇帝好神仙。碧海不還徐市船。那識蓬瀛屬日  
本。丹波州北澄江邊。澄江漁郎出垂釣。中釣龜化女  
嬋娟。攜手同遊金銀闕。鳳簫相迓和鷓絃。流霞之酒  
雕胡飯。始信瑤臺別有天。恨殺罪根猶未滅。萬牛難

回歸興牽。絨滕慙慙驢玉匣。莫開當有再來年。分背  
盪蘭漿。忽然到鄉里。曾無眼中人。城郭亦非是。偶逢  
百歲嫗。訪尋舉聃耳。故老傳異事。蹈海浦島子。默遡  
如夢中。偏猜玉匣裡。一拚敗盟啟視處。蒸騰紫氣衝  
空去。綠鬢紅顏俄變衰。目昏形僕待扶助。劉阮歸來  
七世過。王質須臾爛斧柯。神仙不仁勾引客。縮得居  
諸以蹉跎。若使光陰似仙境。千秋萬歲亦無多。

松化石

翁鬱山中老龍鱗。一朝堅結作貞珉。享壽千年未知  
足。欲及滄海起埃塵。何圖人世求奇玩。斤削刀鏤文





中有英靈宅。傍看孫子羅。本為邦國鎮。仁者樂如何。  
阜

豈有嶢巖阻。更存高厚形。魯城包曲面。鄭筮籍神靈。  
琛動瑤琨色。樹裁楊柳青。佳名稱茂盛。隆踊起郊坰。  
岡

振衣馳望迴。千仞盪埃除。玉女徵飛雨。羽人憇步虛。  
鏘鏘鳴鳳至。蜿蜿卧龍舒。白鹿羣遊處。原緣德惠餘。  
陵

十仞陂陀勢。景雲與德期。自來飛隼影。又見漸鴻儀。  
呂覽躋升地。堯身感應時。菁莪歌樂育。無物不蕃滋。

川之方至

陽和消凍雪。春水赴川流。決瀧鳴湍瀨。汎洄達野溝。  
困鱗蘇遂躍。翔鳥下還游。積厚看神力。膠沙巨舸浮。

月之恒

夕陽紅未斂。已讓月弦明。物理微終著。天機缺至盈。  
金波雖尚淺。玉李豈相爭。漸見包容大。山河影半生。

日之升

纔畢咸池浴。羲車輟碧岑。人間生萬事。天下伏群陰。  
先映城樓影。早傾葵藿心。至公觀庶物。皆待大明臨。

南山之壽

截然因禹甸。儼見近周都。連絡原難極。竊崩非所虞。  
瑞雲藏秀異。留景別寰區。終古含元氣。功將造化俱。  
松栢之茂

繼承柯不改。直幹共參天。竒有龍蛇狀。操稱霜雪邊。  
青葱通四序。長久歷千年。齊壽九九性。永言獻綺筵。  
觀頤莊分韻

村落催農事。平田膏雨沾。禽言泥滑滑。牛卧草纖纖。  
簑挂殘梅曝。水穿疎竹添。風光濃野味。餽玩負暄檐。

聞蟬

唱和聯新樹。驚飛出美陰。非榮冠綉飾。却勝管絃音。

涼露每朝食。清風引暮吟。禽蟲皆自得。誰復有機心。

川窪學舍次唐楷韻

春半青山郭。餘寒卧白雲。門臨樵牧路。堂育俊髦羣。  
深井鑿茶美。幽窓燼篆薰。喜聞過丙夜。朗誦六經文。

贈齋藤教授

吟侶同舟至。鷄窓對解顏。學田春麥秀。城樹夕鴉還。  
教立蘇胡後。務繁滕薛間。今宵須惜取。風月屬餘閑。  
蓮池邸舍庶夫有詩次韻

麻溪殘雪解。邸舍引春風。眼纈三蕉醉。胸塵萬斛空。  
曾嗟雲樹隔。相遇水萍同。髣髴鄉園致。小窓梅吐紅。

首夏約山招飲

三春盡何遽。苔蘚貼殘紅。整漲添新雨。座涼迎午風。清和單製適。餘暇一樽同。猶有黃鶯老。轉喉藏故業。

題畫

不為程曉客。却學少文遊。舟入荷花小。徑過麥氣幽。新樹遮炎日。涼軒似素秋。人家共清味。三兩白沙頭。

圓成院納涼。示生野村岡二子。皆佐嘉人。被使

來江戶分韻。

院臨沼池

百頃荷花滿。香侵几席清。星軺逢二使。雲構對層城。秋入紺園早。涼從綠水生。更添塵表趣。幽處暮禽鳴。

題松陰齋主人善書

小景開懷抱。嘯哦松下亭。清風生燕几。濃翠滴幽庭。塵盞何經眼。滄哇不入聽。斜日龍蛇影。書法滿窓櫺。

水明樓

何處宜消夏。放生池上樓。竹風晴後起。荷露雨餘浮。層構搖煙蜃。連岡走翠虬。愛廬還愛客。瓜李賞心酬。

雨中志尹千秋過訪得四豪

官暇秋霖日。朋來破鬱陶。三巡行綠酒。一片灑霜毫。床有琴絃緩。市無人語嘈。佳期今已近。其奈湧雲濤。

訪辛島鹽井韓田郎分韻

一雨路塵收。經過朱邱秋。松陰交几席。草色映譙樓。  
候近重陽節。閑宜半日游。誰知城市際。野趣屬吟儔。  
訪吉富生

興來閭巷裡。小住讀書窓。一路橫平野。千家枕大江。  
烟啣鴻鴈陣。柳拂釣魚艘。擊柝相聞處。波光限二邦。

崔葦齋作戊申正月晦

瀟瀟春雨夜。適宿故人廬。雲擁城衢暗。寒依江水餘。  
堤陰滋蘚草。窓外響柝櫓。欹枕烏啼曙。落花恐滿除。

題赤壁圖摘前賦語。坡仙有摘歸去來辭之作。今做之。

大江橫白露。明月斗牛傍。知彼盈虛者。歌茲窈窕章。

洞簫託遺響。桂棹泝流光。素練飛仙跡。山川望武昌。  
將歸覲留別諸子

西海念親闈。輕裝萬里歸。一犁春雨歇。千點野花飛。  
蘭臭香雖樂。萍浮跡易違。相思鷓鴣夜。澗渡月熹微。

送鶴山

扈隨游上國。追餞出東郊。健筆秋濤壯。彩旌山樹交。  
原知千里足。豈守一枝巢。若問諸侯寶。白珩可棄拋。

水鳥次韻非源平所賦之水鳥

潮逆槎檣屢。山竒上岸輕。寒氓憐獨屋。吟侶喜同行。  
水韻璜珎響。巖形虎豹狞。五漿無所饋。沙際席誰爭。

題華夷互市圖

後世求珍異。先王通有無。渥洼產汗血。合浦出明珠。不識膏腴竭。唯供心目娛。中行翻善計。漢帛裂馳驅。

哭石公幹

薤上浮春露。人生何遽哉。高堂無倚賴。奮友一悲哀。及暇耽詩律。遷官試國材。脩途方發軔。長夜掩泉臺。

其二

夜半誰偷去。藏舟計已睽。明珠終不孕。彩鳳忽孤栖。先導銘旌動。曾騎撲馬嘶。讀殘書尚在。總帳月淒淒。送清德基之東武。覲省。德基請押密網。時石仲

車諸子。從公在彼。故及之。

岸柳纔舒碧。何堪縮別懷。流澌輕畫舸。細草適青鞵。計驛鄉談異。趁程方物偕。先容誰按劍。枚馬是僚儕。

其二

寧辭行役苦。橋梓慕天倫。雪覆青山色。海跳紅日輪。乘弧酬宿志。斟酒獻尊親。風物三千里。往來且暮春。

寄懷江村翁

越前醫林。韓氏至。得翁近况。

有客敲蓬戶。曾陪絳帳紗。故閭新徙宅。舊社各成家。七裘當文柄。四時觀物華。喜聞傳近事。離索海西涯。



有橈殊蚱蜢。無網羨魚鷹。天造幽奇棄。秋容物象澄。  
石鐘潮響起。珠蚌月華增。久速何容意。任它朝日昇。

又和仲車

茅渚千舸疾。牛渚列檣稠。利涉人情羨。沂風舟楫休。  
海鷗晴結伴。岸葦水久疇。冒買紅鱗發。壺酤昔酒柔。  
波瀾豪句湧。蘭杜美人求。三日夜如故。百餘程一修。  
東西沿島惑。橫直看山周。噫氣鳴吾輩。金聲僻壤留。

冬至六韵

碩果標高樹。厚坤生一陽。閉關行旅止。立管候灰揚。  
往哲茲稱妙。先王不省方。建正周室禮。脩典魯臺祥。

林表彤雲物。窓前凜雪霜。課經嗟道遠。添線喜功長。

萬象閣奉呈邨下其國相壽文學楨幹在座

甲第臨芝海。大邦雄葦原。宵吞雲夢澤。覽寓辟疆園。  
池影搖松竹。渚芳流芷蓀。涼颺簾幙捲。墜葉砌除翻。  
攢石象鼈戴。遠帆疑鶴鷺。寵招羞質朽。款待借顏溫。  
勤政無時逸。講經又日緜。嘉猷探治本。樂事遡詞源。  
杞梓材皆用。羔羊操尚存。命厨茲授祭。移席更開樽。  
謙德忘千乘。虛懷繹片言。下交庶不瀆。豈在曲拳煩。

賦得春色滿皇州

畿甸知春遍。康莊無雪殘。祥光含瑞穗。佳氣滿平安。



花出宸垣外。柳垂御水干。輕塵生繡陌。麗日照朱欄。  
勻綠長堤草。叢芽曲渚蘭。波紋鳴河漾。霞綺散峯攢。  
丹靱飛羅蓋。鮮衣據錦鞍。垂綸收玉尺。扶彈迸金丸。  
耕鑿克衢詠。文章唐代冠。陽和同聖政。德澤萬人歡。

...

七言律

杪冬十二日。壺梁白嶼二賢携都籃。集古愚軒。  
谷南溪。頃歸自野作。席上圖其所經山水。分韻。  
幽期同赴讀書幃。歲暮吟哦塵慮微。瓶插梅花凌朝  
吹。窓橫松影帶斜暉。郇侯珍美移厨至。道子丹青記  
勝歸。月照高城增栗烈。舳舻一棹敵寒威。

別諸子分韻

僕夫驪唱未須催。舊侶方傳離別杯。一路紅塵慵冒  
進。雙堂白髮恨衰頽。林風堪卜波濤起。春雪愁看疊  
嶺開。坐竊虛名徒自累。下情何以達三台。

四佳亭集贈儲主

名園景物正秋澄。節後黃花氣尚騰。千里游魚池水冷。十尋喬木月華升。恨歸鄉國稱羈客。喜向詩壇會舊朋。始觀鳳雛揚五彩。大邦文運屬隆興。

昌平學贈杉吉諸賢

緇帷林靜夕陽低。蟬逐清陰數處啼。世味老來歸冷淡。交情熟後絕町畦。官途應隔滄洲路。公事還燒大乙藜。一雨江天涼意早。誰家休浣素琴携。

遊主人園分名園依綠水為韻得名字

乘暇何愁雨未晴。纔穿吟屐覺身輕。湖傍一路看離

市。樹際層雲自隔城。只使騷人探勝境。任他地主昧平生。攔干枕水環新綠。買夏偏宜遠利名。

其二

園丁看客不通名。借賞烟霞罷送迎。摩詰林泉常汛掃。文饒竹石總經營。挿根新蘚山榴赤。落影清池水鳥明。幽遠何聞人語響。雲松時度梵鐘聲。

下學後桐原惠願得六麻

情密同僚同一家。公餘薄設是茶瓜。草生門外堪羅雀。松長墻頭始宿鴉。殘暑酷如三伏日。油雲頽作半江霞。請看人世閑忙異。熱客縱橫街上譁。

智光院納涼得痕字

蟬聲處處入秋繁。乘暇披襟古梵園。山樹參差看落  
影。雲峯變滅不留痕。社盟何幸隨鷗鷺。官迹無端別  
鷲猿。翠蓋紅妝千頃水。香風鎮日撲清尊。

靜寄軒主人報霞厓龍渚過訪余亦造焉分韻  
經旬悍雨憶吟儕。筇屐相隨問靜齋。共望光芒人似  
斗。更澆磊塊酒如淮。映門秋水涵高岸。滿地碧苔侵  
短階。目送飛鴻東海上。模糊雲裡半行埋。

志村東渚病起講書鬢官遂抵余宿賦贈

余護  
講日。

使東渚說  
易學啟蒙。

朔風驅葉葉聲乾。簾外暗霜星彩寒。一夕邵窩聊作  
主。三杯魯酒且交歡。求閑是處無長策。醫疾何人有  
大丹。話舊江湖如昨夢。連床猶對耿燈殘。

昌平橋春望

礫川幾轉抱城流。城市中間啗杖留。橋畔樹圍調馬  
埒。堤陰柳拂浴鳧洲。問閭撲地多金穴。邸第連雲出  
畫樓。即是鶯花春似海。何妨自擬咏歸遊。

其二

橋上新晴二月天。風光滿目競春妍。泮林峻宇輝韶  
景。台嶺踈鐘隱暖烟。不羨腰錢騎鶴客。欲呼荷笠釣

魚船往來車馬紛爭道誰識歲華同逝川

登濱驛城趾

斗絕丹崖飛磴懸憑將蘿蔓樹根纏屋依流水連山

下網曬斜陽滿岸邊壘壁當時唯扼險磬鐘今日卻

安禪臨風縱目三洲盡無限波濤海上煙

早津江泛舟

青春乘暇偶茲來隨意扁舟泝且洄暗日荒村遙辨

樹香風斷岸忽逢梅收曾浦淑銀刀躍維纜江湖玉

鏡開載筆携樽酬勝景詩篇想向漢陂裁

栗原長尾副島諸子至得齋字

長途芳草敝青鞋到日薰風西海涯不待歸人花已

謝茲邀韻士竹尤佳故園物色猶疑夢舊社吟哦始

暢懷客裡來鄉皆是客琴書小住一茅齋

癸丑雞旦客歲得外孫故及

清晨盥漱汲流澌新霽窓梅映瑞曦欲避虛名徒畏

影追懷往事盡彫脂四旬今日初添四兒腹前年又

得兒雙髻鑷絲君莫笑高堂具慶默春危

招賢館分韻

名園勝日共追陪縮地方蓬邱後開紅盡綠深叢樹

底雨晴風暖一池隈徑通幽處鳥鳴閒水帶微渾魚

去來不以琴樽供獨樂。南薰歌在阜民財。

無我亭分韻奉送石大夫扈隨水滿二契游學。

皆之東武。

青春江上凜寒威。對酒離堂梅未飛。期刻後先將就路。道分仕學自同歸。尋論濂洛探流派。扈從鄒枚有寵輝。只得德音無遠近。不愁僻壤舊朋稀。

越中橋阻雨繫泊

行李蕭然數帙書。浪華江上買船初。打頭連日西風急。傾耳三更春雨踈。街鼓過知橋影近。市燈滅訝岸邊虛。四年京洛甘鷓息。不厭倉間偏側居。

擬金陵懷古

龍蟠虎踞到如今。誰使東南王氣沈。六代繁華猶在眼。千年豪傑自傷心。春田麥滿樓臺址。天塹波鳴輦鼓音。處處寒煙松柏色。墓陵其奈牧樵侵。

黑崎驛次韻仲車

布帆無恙覓蘆廬。厚地夷途驚悸除。欵枕不聞窗外浪。剪燈猶讀笈中書。談知洛攝西來訛。山認筑肥東走餘。莫恠明朝戒星發。青鞋步步近鄉間。

寄葛子琴

客歲賴千秋。釋褐蕞落。左士岳。萱君譽。相繼物故。故及。

葛仙家在玉江濱。夢寐曾遊邈海雲。舸汴春潮山月

澹。展街晴雪野梅薰。時才不免人間務。舊友空脩地  
下文。一別三年多感愴。浪華風雅獨懷君。

禹鱗禪師惠顧得何字

時師在蓮池宗眼  
寺。結夏為知事。

知師禪暇本無多。十里攜詩此地過。網紀暫扶新梵  
社。交情不改舊恒河。晚厨前圃求蔬筍。午枕遙山入  
薜蘿。林下清風隨處在。芥茶湘簟趣如何。

知師禪暇本無多。十里攜詩此地過。網紀暫扶新梵  
社。交情不改舊恒河。晚厨前圃求蔬筍。午枕遙山入  
薜蘿。林下清風隨處在。芥茶湘簟趣如何。

四言

栗山茶筒

乳花雪濤。卷懷都筒。蟹眼一勺。隨處清風。

題栗山蠟硯

名鯤鱗

明珠壯貝。舍旃勿論。玄雲空湧。躍出溟鯤。

題畫

皴法蒼勁。無柔媚顏。屹然對峙。可障狂瀾。

秋風吹木末。落葉散林樾。夕照移。數椽茅舍影。同漾碧漣漪。  
 其二  
 秋色嵐皺裏。林梢夕照移。數椽茅舍影。同漾碧漣漪。  
 煙波萬頃水。嵐翠幾重岑。俯仰長如此。誰知靜者心。  
 易水送別圖  
 力屈智窮日。淪亾在吸呼。狂謀聊一試。匕首督亢圖。  
 亭巖晚鍾  
 川窻八勝之一  
 香臺無色相。驀地巨鯨吼。聲聲與歸雲。相逐度山岫。  
 小春郊行  
 四言

五言絕句

題畫

秋色嵐皺裏。林梢夕照移。數椽茅舍影。同漾碧漣漪。

其二

煙波萬頃水。嵐翠幾重岑。俯仰長如此。誰知靜者心。

易水送別圖

力屈智窮日。淪亾在吸呼。狂謀聊一試。匕首督亢圖。

亭巖晚鍾

川窻八勝之一

香臺無色相。驀地巨鯨吼。聲聲與歸雲。相逐度山岫。

小春郊行

藜杖無吟侶。緼袍暖小春。三農功未畢。時值荷禾人。

同是澱川舟。逸勞遠不侔。上瀨牽絕苦。下江袖手謳。

其二

暝煙蒙林薄。綿綴巨川涯。忽聞犬吠處。茅屋兩三家。

其三

春漲舟穩疾。今過何處所。同濟三十人。酣睡寂無語。

五言詩句

六言絕句

題畫

三兩林間蟹舍。淡濃湖外蛾眉。無腔信口漁唱。風靜波恬到遲。





畫鷹為阿波侯

萬里雲霄徹兩眸。海青逸氣正橫秋。何唯搏擊稱其力。翼斂錦文金架頭。

畫竹

滿城紅紫雜塵囂。日日春風閉且凋。幽處數竿蒼翠玉。獨含雨露上青霄。

別白嶼

送君爭奈動鄉愁。桑梓相鄰前後州。若上金峯當落日。北肥山水滿吟眸。

送赤崎彦禮栗山堂席上

西溟風雨會茅堂。一別回頭二十霜。今日天涯相值處。匆匆復此把離觴。

其二

薰風四月促征輪。文旆悠悠紫海濱。萬里行程休恨遠。座中更有不歸人。

送鍋島廉夫

歸興應無勞者歌。畫熊車後去逶迤。雙旌弭節朱明景。道右青山左碧波。

芝海明月

薩邸八景之下一同

巨浸漫漫南接天。武昌秋氣斂浮煙。蟾光映徹千尋

底萬族通宵不敢眠。

袖浦漁舟

運船商舶怒帆開。萬里風濤難往來。自有釣漁閑活計。聲聲款乃得魚回。

舟歸即事

柔艣貫穿闌閣間。岸頭不見一人閑。柳原柳綠汀花白。準擬舟行客解顏。

畫竹

寸地城中抵寸金。清齋何物伴幽吟。請看水墨蕭蕭竹。引月迎風似故林。

題畫

獨御清風度石梁。丹崖翠壁路羊腸。雲霞到處堪餐食。十日遊山不裹糧。

其二

蘆荻花開霜氣清。淺沙灘上鴈奴驚。斜光忽射微波白。正是四更湖月生。

讀禪月集

清唳縞毛殊衆禽。回翔無礙白雲深。不堪碧落風霜苦。却向人間求賞音。

門。則當飄然遠引。如孤雲野鶴。去翺自在。而汲汲安詩。鑽謁。遂投偽蜀。諛頌累篇。專其崇奉。而終其高贊。

在我而居三  
高僧之一。

荅栗山

陽坡全發素梅枝。吟斷林園雪後詩。春夜欲眠眠未得。半窓清影月斜時。

風雪夜歸圖

辛勤釣罷老漁夫。暮舉魚籃付酒壚。酒力禁當風力勁。任佗急雪洒歸途。

畫牛

誤呈鼻孔任人穿。去去來來苦掣牽。午餉片時容我睡。平原日暖草芊綿。

非我亭分韻

城市中間靜不譁。塢梅畦麥故人家。甌擎嵐翠千峯色。嬉野旗槍浮乳花。

依韻酬常春堂頭大和尚兼謝珍貺

金錫凌空何處尋。桃源山色彩霞深。誰言仙境人間隔。時寄陟鰲禪暇吟。寺稱桃源山。時有海苔之贈。

遠村分韻

靄靄荒村負碧山。參差桑柘水灣環。夕陽江上雲生處。半隱斜風細雨間。

假山分韻

一簣功成歲月過。山容逾老趣逾多。前人應待後人賞。石帶蒼苔松掛蘿。

題畫

堤橋路盡碧江深。幸有漁舟繫樹陰。更費商量秋色裏。那邊山水好幽尋。

精里初集抄卷三終

考異

畫鷹

一作松鷹

何唯搏擊稱其力。翼斂錦文金架頭。

一作請看將擊匡形處。收翼錦文松樹頭。

答栗山

一作畫梅

陽坡全發素梅枝。啞斷林園雪後

詩春夜欲眠眠未得

一作瓊姿全叢最高條。雪後林園吟思饒。料識幽人

眠未得

時一作宵



遠村

一作題畫

靄靄荒村負碧山。參差棗柘水灣環

一作開三家負碧山。送潮舟指岸灣環。

細一作急



			<p>精春并知用本新  <small>精春并知用本新</small></p>	<p>卷之六  <small>卷之六</small></p>	<p>精里初集抄考異</p>
--	--	--	--	------------------------------------	----------------

